



№ 53/09-II

20 20 yil " 3 " IYUN

Халқ депутатлари Учтепа туман Кенгашининг 2019 йил
2 октябрдаги 141/21-1 сонли “Тўйлар, оилавий тантаналар, маърака ва
маросимлар ўтказилишини тартибга солиш тизимини янада
такомиллаштириш тўғрисида”ги қарорига ўзгартириш ва қўшимчалар
қиритиш тўғрисида

Ўзбекистон Республикаси Олий Мажлиси Қонунчилик палатаси
Кенгашининг ва Ўзбекистон Республикаси Олий Мажлиси Сенати
Кенгашининг 2019 йил 14 сентябрдаги “Тўйлар, оилавий тантаналар, маърака
ва маросимлар ўтказилишини тартибга солиш тизимини янада
такомиллаштириш тўғрисида”ги №2736-III/КҚ-592-III-сон Қўшма қарори
ижросини таъминлаш ҳамда Тўйлар, оилавий тантаналар, маърака ва
маросимлар ўтказилишини ихчамлаштириш, намунали оилавий тадбирлар
ўтказилишини ташкил этиш ва ушбу масалада тарғибот-ташвиқот ишларини
кучайтириш ҳамда доимий мониторингини йўлга қўйиш мақсадида тартибга
солиш мақсадида Халқ депутатлари Учтепа туман Кенгаши

ҚАРОР ҚИЛАДИ:

1. Учтепа туманида тўйлар, оилавий тантаналар, маърака ва
маросимлар ўтказишда, ош бериш маросимларини вақтини белгилаш бўйича
маҳалла раислари, фаоллари, нуронийлар ҳамда жамоатчилик томонидан
берилган фикр ва мулоҳазалари туман комиссияси томонидан ўрганиб
чикилиб, умумлаштирилиб, билдирилган таклифлари инобатга олинсин.

2. Тўйлар, оилавий тантаналар, маърака ва маросимлар ўтказилишини
тартибга солиш тўғрисидаги низом 1-иловасининг 2-боби 3-бандининг
3-хатбошисига қуйидаги тартибда “Учтепа туман шароитларидан келиб
чикиб, халқ депутатлари Учтепа туман Кенгаши томонидан ош бериш
маросими Учтепа туман худудида тўйлар, оилавий тантаналар маърака ва
маросимлар ўтказишда ош бериш маросимларини ўтказиш вақти йил
фаслларидаги шароитларидан келиб чикиб, куннинг биринчи ярмида соат
6-00 дан 14-00 га қадар қилиб белгилансин”.

3. Учтепа туман ҳокимининг Ёшлар сиёсати, ижтимоий ривожланиш ва маънавий-марифий ишлар бўйича ўринбосари (Б.Мирзаев) ва туман Маданият бўлими мудирини (А.Азимов) тўйлар, оилавий тантаналар, маърака ва маросимларни миллий кадрларга мос тарзда ихчам ва камхарж ўтказишга эришиш учун санъаткорлар томонидан хизматлар кўрсатилишини тартибга солиш чораларини кўрсин.

4. Ички Ишлар органлари фаолиятини мувофиқлаштириш бўйича Учтепа туман бошқармаси (С.Ахмедов) тўйлар, оилавий тантаналар, маърака ва маросимлар ўтказилишида жамоат тартиби ва йул ҳаракати хавфсизлигини таъминлаш ҳамда фуқаролар хавфсизлигига жиддий хавф солиши мумкин бўлган кўнгилсиз ҳолатларнинг олдини олиш чораларини доимий равишда кўриб бурсин.

5. Туман бош имом хатиби (Қ.Боймуродов) тўйлар, оилавий тантаналар, маърака ва маросимлар давомида муқаддас динимиз талабларига зид бўлган турли одат ва расм-русумлар ўтказилишининг олдини олиш бўйича қўшимча чораларни кўрсин, бу борада диний ташкилотларнинг ваколатли вакиллари масъулиятини янада кучайтирсин.

6. Халқ депутатлари Учтепа туман Кенгаши ҳузуридаги Тўйлар, оилавий тантаналар, маърака ва маросимлар ўтказилишини мувофиқлаштириш бўйича комиссияси Ички Ишлар фаолиятини мувофиқлаштириш бўйича Учтепа туман бошқармаси бошлиғи (С.Ахмедов) ва Маҳалла ва оилани қўллаб-қувватлаш бўлими бошлиғи (З.Азимбаева) билан биргаликда Низом талабларидан келиб чиқиб, тўйлар, оилавий тантаналар, маърака ва маросимларни ташкил этиш ва ўтказишда ички ишлар органлари профилактика инспекторлари ҳамда маҳалла фуқаролар йиғини раисларининг фаолиятини ташкил этиш чораларини кўрсин.

7. Учтепа туман ҳокимлиги матбуот хизмати (Т.Тураев), бошқа оммавий ахборот воситаларига тўйлар, оилавий тантаналар, маърака ва маросимларни ўтказиш тартибига риоя этилиши ҳолати, урф-одатларимиз ва анъаналаримизнинг ҳақиқий моҳияти ҳамда аҳамиятини кенг халқ оmmasига мунтазам етказиб бориш тавсия этилсин.

8. Халқ депутатлари Учтепа тумани Кенгаши ҳузуридаги Тўйлар, оилавий тантаналар, маърака ва маросимлар ўтказилишини мувофиқлаштириш бўйича комиссияси тўйлар, оилавий тантаналар, маърака ва маросимларни ўтказилишининг доимий мониторингини амалга ошириб бурсин ва унинг натижаларига кўра, тегишли таклифларни Халқ депутатлари Тошкент шаҳар Кенгашига киритиб бурсин.

9. Халқ депутатлар Учтепа тумани котибияти мудири (Б.Ишанходжаев), туман Ахборот ва коммуникация технологияларини ривожлантириш бўлими (М.Максудов) ва Матбуот хизмати (Т.Тураев): норматив-ҳуқуқий ҳужжат сифатида regulation.gov.uz порталига муҳокама учун, шунингдек “Тошкент Окшоми”, “Вечерный Ташкент” газеталарида мазкур қарор расмий эълон қилиниши ва www.uchtepa.uz веб-сайтига жойлаштирилиши таъминлансин.

10. Ушбу қарор расмий эълон қилинган кундан бошлаб кучга киради.

11. Мазкур қарорнинг ижросини назорат қилиш Тўйлар, оилавий тантаналар, маърака ва маросимлар ўтказилишини мувофиқлаштириш бўйича комиссияси раиси М.Арипова зиммасига юклатилсин.

**Халқ депутатлари Учтепа туман
Кенгаши раиси**



Ф.Абдуллаев

Халқ депутатлари Учтепа тумани
Кенгашининг 2019 йил 2 октябрдаги
141/21-1-сонли қарорига
илова

**Тўйлар, оилавий тантаналар, маърака
ва маросимлар ўтказилишини тартибга солиш тўғрисидаги
низом**

1-боб. Умумий қоидалар

1. Ушбу Низом тўйлар, оилавий тантаналар, маърака ва маросимларни ўтказиш билан боғлиқ муносабатларни тартибга солиш ҳамда халқимизнинг миллий урф-одатлари, маънавияти, маданияти, анъаналари ва қадириятларини ҳурмат қилишга, жамоат тартибини сақлашга, фуқароларнинг ҳуқуқларини ҳимоя қилишга, оилавий тадбирларни ўтказишда шухратпарастлик, дабдаба ва исрофгарчиликнинг олдини олишга қаратилган.

Мазкур Низом Учтепа туманида ўтказиладиган расмий маросимлар, давлат ва жамият олдидаги буюк хизматларига эга шахсларни хотирлаш ва юбилей муносабатлари билан бўлиб ўтадиган, шунингдек, давлат идоралари, корхона ва муассасаларнинг ташкил этилган куни билан боғлиқ тадбирларга нисбатан тадбиқ этилмайди.

2. Тўйлар, оилавий тантаналар, маърака ва маросимлар ўтказилишини тартибга солишда ижтимоий адолат ва қонунийлик, миллий урф-одат ва қадириятларга содиқлик, бошқа дин ва миллат вакилларининг урф-одатларини ҳурмат қилиш ҳамда жамоатчилик фикрини инобатга олиш тамойилларига риоя этилади.

**2-боб. Тўйлар, оилавий тантаналар, маърака ва маросимларни
ўтказиш тартибига қўйиладиган умумий талаблар**

3. Тўйлар, оилавий тантаналар, маърака ва маросимлар фақат бир кун (дафн этиш маросими бундан мустасно) соат 06:00 ва 23:00 оралиғида ўтказилади. Учтепа тумани шароитларидан келиб чиқиб, Халқ депутатлари Учтепа туман Кенгаши томонидан туман ҳудудида ош бериш маросими вақти соат 06-00 дан 14-00 гача оралиқда ўтказилиши белгиланади.

Соат 23:00 дан кейин тўйлар, оилавий тантаналар, маърака ва маросимларни давом эттиришга йул қўйилмайди.

Тўйлар, оилавий тантаналар, маърака ва маросимлар да 200 нафаргача, мазкур тадбирлар муносабати билан ош бериш маросимида 250 нафаргача киши қатнашади.

Кўшалок тўйларда 250 нафаргача, у билан боғлиқ ош бериш маросимида 300 нафаргача киши қатнашиши мумкин.

Дафи этиш ва мотам маросимлари кўпи билан уч кун мобайнида чекланмаган миқдордаги фуқаролар иштирокида ўтказилиши мумкин, ош бериш маросими бундан мустасно.

4. Тўйлар, оилавий тантаналар, маърака ва маросимларни ўтказишда:

тўй ўтказувчи шахслар тўйдан камида бир ҳафта олдин яшаш жойидаги фуқароларнинг ўзини ўзи бошқариш органларини хабардор қилиши;

никоҳни давлат рўйхатидан ўтказиш, келин-куёвнинг тўйхонага келиши ва кетиши билан боғлиқ оилавий тадбирларда 3 тадан кўп бўлган енгил автомашинадан ёки жамоат хавфсизлигига таҳдид солувчи бошқа транспорт воситаларидан фойдаланмаслик;

тўйлар, оилавий тантаналар, маърака ва маросимларда пулли автотранспорт хизмати лицензияга эга бўлмаган ташувчилар томонидан кўрсатилишига йул қўймаслик, тўй эгаларининг шахсий автомашиналаридан ҳамда хомийлар ёрдамида жалб этилган автотранспорт воситаларидан фойдаланилган ҳоллар бундан мустасно;

шухратпарастлик, дабдабазлик ва исрофгарчиликка йул қўймаслик;

махаллалардаги ижтимоий-маънавий муҳит барқарорлигига путур етказмаслик, жамиятда шаклланган одоб-ахлоқ қоидаларига қатъий амал қилиш талаб этилади.

5. Тўйлар, оилавий тантаналар, маърака ва маросимларда диний мавзуда маъруза кўзда тутилган бўлса, ушбу маъруза диний ташкилотнинг ваколатли вакили томонидан ўқилади.

6. Тўйлар, оилавий тантаналар, маърака ва маросимларда лицензияланадиган фаолият туридан фойдаланилган тақдирда, лицензияли хизмат кўрсатадиган жисмоний ва юридик шахслар тўйхона, кафе, ресторан маъмуриятига ва ушбу хизматдан фойдаланувчиларга бу каби хизматларни кўрсатишга рухсат берувчи лицензиянинг нусхасини тақдим этади.

7. Миллий анъаналарга ёт, одоб-ахлоқ қоидаларига зид бўлган турли шоуларни, ортиқча вақт ва ҳаражат талаб қиладиган тўйлар, оилавий тантаналардан олдинги, тадбир давомидаги ва ундан кейинги қўшимча расм-русумларни (“келин навқари”, “чорлар”, “ота кўрди”, “сеп ёйди”, “қуда чакирди”, “куёв чакирди”, “келин чакирди”, “тоғора юбориш”, “пул сочиш” ва ҳоказоларни) ўтказишга йул қўйилмайди.

Дафн этиш ва мотам маросимлари билан боғлиқ ортикча тадбирларни (“етти”, “пайшанбалик”, “йигирма”, “қирк”, “йил оши”, “пул таркатиш”, “мато улашиш” ва ҳоказоларни) ўтказишга йул қўйилмайди.

8. Тўйхона, кафе ва ресторанларда тўйлар, оилавий тантаналар, маърака ва маросимларни ўтказишда:

тўйлар, оилавий тантаналар, маърака ва маросимлар иштирокчилари сонига, уларни ўтказиш вақтига катъий риоя этиш;

атрофда яшовчи аҳолининг тинчлиги ва осойишталигини ҳамда маиший шовкинга қарши кураш бўйича қонун ҳужжатларида белгиланган талабларни бузмаслик;

озик-овқат маҳсулотлари сифат сертификати талаблари даражасида бўлиши ҳамда санитария-гигиена қоидаларига риоя этиш лозим.

9. Тўйхона, кафе ва ресторанларда 50 ва ундан ортиқ шахс иштирокида тўйлар, оилавий тантаналар, маърака ва маросимлар ўтказиш учун тадбир ўтказувчи шахс ҳамда тўйхона, кафе ва ресторан раҳбари ўртасида шартнома тузилади. Шартномада томонларнинг ҳуқуқ ва мажбуриятлари, иш ва хизмат тури, тўлов, харажатлар миқдори, тадбир иштирокчилари сони, муддати ҳамда амалдаги қонун ҳужжатларида белгиланган бошқа талаблар кўрсатилади.

Тўйлар, оилавий тантаналар, маърака ва маросимларда санъаткорлар (хонанда, созанда, раққоса, бошловчи, сўз устаси, фотограф ва бошқалар) қонун ҳужжатларига мувофиқ шартнома асосида хизмат кўрсатади.

Тўйлар, оилавий тантаналар, маърака ва маросимларда икки нафардан ортиқ хонанданинг (гуруҳнинг) хизмат кўрсатишига йул қўйилмайди.

10. Тўйхона, кафе ва ресторанлар маъмурияти тўйлар, оилавий тантаналар, маърака ва маросимлар ўтказилаётганда хавфсизлик чораларини таъминлаши шарт.

11. Ушбу Низомнинг 3, 4-бандларида, 8-бандининг учинчи ва тўртинчи, хатбошиларида, 9-бандининг иккинчи, учинчи хатбошиларида, 10-бандида назарда тутилган қоидалар хонадонларда (гузарларда) ташкил этиладиган тўйлар, оилавий тантаналар, маърака ва маросимларга ҳам тадбир этилади.

3-боб. Тўйлар, оилавий тантаналар, маърака ва маросимларни ўтказишда жамоатчилик ва давлат органларининг иштироки

12. Халқ депутатлари Учтепа тумани Кенгаши Тўйлар, оилавий тантаналар, маърака ва маросимлар ўтказилишини мувофиқлаштириш бўйича комиссиялар (бундан буён матнда ҳудудий комиссиялар деб юритилади), Фуқароларнинг ўзини ўзи бошқариш органлари фаолиятини

мувофиқлаштириш бўйича Учтепа тумани Кенгаши, “Нуроний” жамғармаси Учтепа тумани Кенгаши, Маънавият тарғибот маркази Учтепа тумани бўлими, Ўзбекистон Хотин-қизлар кўмитаси Учтепа тумани бўлими, Учтепа тумани “Оила” илмий-амалий маркази, Ўзбекистон мусулмонлари идораси Учтепа тумани вакили, Ўзбекистон ёшлар иттифоқи Учтепа туман Кенгаши ўз ваколатлари доирасида тўйлар, оилавий тантаналар, маърака ва маросимлар ўтказилиши устидан жамоатчилик назорати ташкил этилишини таъминлайди.

13. Халқ депутатлари Учтепа тумани Кенгаши Тўйлар, оилавий тантаналар, маърака ва маросимлар ўтказилишини мувофиқлаштириш бўйича комиссияси:

тўйлар, оилавий тантаналар, маърака ва маросимлар ўтказилиши устидан жамоатчилик назоратини ташкил этади, шунингдек, бу борада мониторингни амалга оширади;

кенг жамоатчилик фикрини урганган ҳолда тўйлар, оилавий тантаналар, маърака ва маросимларни ўтказишга оид конун ҳужжатларини такомиллаштириш бўйича таклифлар ишлаб чиқади;

тўйлар, оилавий тантаналар, маърака ва маросимларни ихчам, исрофгарчиликсиз ва белгиланган талаблар асосида ўтказиш бўйича аҳоли ўртасида тарғибот ишларини олиб боради ҳамда ўрнатилган тартибга риоя этмаган фуқароларни маҳалла фуқаролар йиғинига таклиф қилган ҳолда жамоатчилик ўртасида муҳокама қилади.

14. Фуқароларнинг ўзини ўзи бошқариш органлари фаолиятини мувофиқлаштириш бўйича Учтепа тумани кенгаши, “Нуроний” жамғармаси Учтепа тумани Кенгаши:

тўйлар, оилавий тантаналар, маърака ва маросимларни ўтказиш билан боғлиқ миллий қадриятларга, ахлоқ қоидаларига зид бўлган маросимлар, номақбул одатлар ва уларнинг салбий оқибатлари тўғрисида тушунтириш ишларини олиб бориши ва тегишли тавсиялар бериши;

тўй эгалари томонидан содир этиладиган миллий урф-одат ва анъаналарни менсимаслик, шухратпарастлик, исрофгарчилик каби ҳатти-ҳаракатлар устидан жамоатчилик назоратини ўрнатиши, тегишли талабларга риоя этилмаган ҳолатларни жамоатчилик муҳокамасига олиб чиқиши;

тўйлар, оилавий тантаналар, маърака ва маросимларни ихчам, кенг аҳоли манфаатларини, миллий қадрият ва анъаналарни ҳисобга олган ҳолда, ижтимоий табақаланишга йул қўймасдан ўтказиш бўйича жамоавий суҳбатлар ташкил этиши;

худудда ўтказилиши режалаштирилган ҳар бир оилавий тадбирдан хабардор бўлиши, унинг ўтказиладиган жойи, иштирокчилар сони бўйича маълумотга эга бўлиши;

тўйлар, оилавий тантаналар, маърака ва маросимлардан олдин ва кейин ўтказиладиган ортиқча расм-русум ва маросимларнинг олдини олиш чораларини кўриши лозим.

15. Маънавият тарғибот маркази Учтепа тумани бўлими:

тўйлар, оилавий тантаналар, маърака ва маросимларда миллий кадриятларимизга ёт бўлган “оммавий маданият” унсурлари намоён бўлишининг олдини олиш мақсадида мунтазам маънавий-маърифий тарғибот ишларини олиб бориши;

оммавий ҳборот воситалари ва ижтимоий тармоқлар орқали намунали тўйлар, оилавий тантаналар, маърака ва маросимлар ҳақида жамоатчилик фикрини шакллантириши, ижтимоий роликлар яратиши, услубий қўлланмалар ва тарғибот материаллари тайёрлаши;

махаллий ҳокимликлар билан ҳамкорликда ФХДЁ идораларида никоҳдан ўтаётган келин-куёвларга оила маънавияти, ахлоқи ва аждодларимизнинг мустаҳкам оила ҳақидаги ўғитлари баён қилинган маълумотлар, китоблар ва бошқа материаллар бериб бориш амалиётини йулга қўйиши лозим.

16. Ўзбекистон Хотин-қизлар қўмитаси Учтепа тумани бўлими, Учтепа тумани “Оила” илмий-амалий маркази:

тўйлар, оилавий тантаналар, маърака ва маросимлар ўтказишни режалаштирган оила вакиллари билан, айниқса, никоҳнинг илк даврларида эр-хотин ва уларнинг ота-оналари ўртасидаги муносабатларни мустаҳкамлаш борасида суҳбатлар ташкил этиши;

хотин-қизларга тўйлар, оилавий тантаналар, маърака ва маросимларни камхарж қилиб ўтказишни, уларда ортиқча исрофгарчиликка берилиш оила иқтисодига ва ёш оиланинг мустаҳкамлигига салбий таъсир кўрсатишини ҳаётий мисоллар орқали кенг тушунтириши;

“Ота-оналар университети” машғулотларида сарпо, буюм йиғишга ружу қўйиш, оила бюджетини нотўғри режалаштириш ва бошқа носоглом орзу-хавасларнинг салбий оқибатларини тушунтириши лозим.

17. Ўзбекистон ёшлар иттифоқи Учтепа тумани Кенгаши:

турмуш қуриш арафасида турган ёшлар билан ижтимоий-психологик суҳбатлар уюштириши, уларни оилавий ҳаётга тайёрлаши, тўйлар, оилавий тантаналар, маърака ва маросимларни ихчам ва исрофгарчисиз ўтказиш бўйича тарғибот ишларини олиб бориши;

ёшлар ўртасида урф бўлаётган “оммавий маданият”, “севги тарихи”, кимматбаҳо машиналар кортежи ва бошқаларнинг салбий оқибатларини кўрсатиб берадиган ижтимоий роликлар ва фильмлар, бадий асарлар тайёрлаш ҳамда тарғиб қилиш тадбирларини амалга ошириши лозим.

18. ФХДЁ органлари:

никоҳдан ўтиш мақсадида ариза берган шахслар ҳамда уларнинг ота-оналари билан яшаш жойларида, маҳаллада суҳбатлар уюштириши, уларга никоҳдан ўтиш тартиб-таомиллари, тўй маросимларини камхарж ва ихчам ўтказиш бўйича тушунтириш бериши;

маҳаллий давлат ҳокимияти ва бошка ташкилотлар билан биргаликда дин уламолари, тиббиёт ходимлари, психологлар иштирокида “Ёш келин-куёвлар клуби”, “Оила мактаби”, “Кудалар суҳбати” каби курслар ташкил қилиши;

никоҳдан ўтиш ҳақидаги аризани рўйхатдан ўтказгандан сўнг уч иш кунинда никоҳланувчи шахслар яшаётган маҳалла фуқаролар йиғинини бу ҳақда хабардор қилиши лозим.

19. Ички ишлар органлари профилактика инспектори фуқароларнинг ўзини ўзи бошқариш органлари билан биргаликда фуқаролар ўртасида тўйлар, оилавий тантаналар, маърака ва маросимларни ихчам ва камхарж ўтказишга, жамиятда қабул қилинган хулқ-атвор нормалари ва қондаларини аҳоли онгига сингдиришга, тўйлар, оилавий тантаналар, маърака ва маросимларнинг шуҳратпарастлик ва дабдаба билан ўтказилишининг олдини олишга қаратилган аниқ ва мақсадли профилактик тадбирларни ташкил этиши, шунингдек бундай тадбирлар давомида жамоат тартибини таъминлаши лозим.

Тўйхона, кафе ва ресторанлар маъмурияти режалаштирилаётган тўйлар, оилавий тантаналар, маърака ва маросимлар ҳақида ушбу тадбирлар ўтказилишидан камида икки кун олдин тегишли ҳудуддаги ички ишлар органига ёзма равишда хабар бериши лозим.

20. Халқ депутатлари Учтепа тумани тўйлар, оилавий тантаналар, маърака ва маросимларни ўтказишга оид қонун ҳужжатлари ижро этилиши устидан доимий депутатлик назоратини амалга оширади.

Депутатлик назорати натижалари бўйича маҳаллий урф-одатлар, миллий анъаналардан келиб чиқиб, халқ депутатлари Учтепа туман Кенгаши томонидан ушбу Низом доирасида тегишли туман ҳудудидаги тўйлар, оилавий тантаналар, маърака ва маросимларни ўтказиш билан боғлиқ бошқа қўшимча талаблар ҳамда тавсиялар белгиланиши мумкин.



“ТАСДИҚЛАЙМАН”
Уchteпа туман адлия бўлими
бошлиғи **О.Негматов**

Халқ депутатлари Уchteпа туман Кенгашининг “Тўйлар, оилавий тантаналар, маърака ва маросимлар ўтказилишини тартибга солиш тизимини янада такомиллаштириш тўғрисида”ги қарорига ўзгартириш ва қўшимчалар киритиш тўғрисида”ги қарор лойиҳасини ҳуқуқий экспертизадан ўтказиш юзасидан

ХУЛОСА

2020 йил 29 май

Тошкент шаҳри

Норматив-ҳуқуқий ҳужжатлар тўғрисида”ги Қонун ҳамда Ўзбекистон Республикаси Президентининг 2018 йил 13 апрелдаги ПҚ-3666-сон қарори билан тасдиқланган Ўзбекистон Республикаси Адлия вазирлиги тўғрисидаги низомга асосан, Тошкент шаҳар Уchteпа туман халқ депутатлари кенгашининг “Тўйлар, оилавий тантаналар, маърака ва маросимлар ўтказилишини тартибга солиш тизимини янада такомиллаштириш тўғрисида”ги қарорига ўзгартириш ва қўшимчалар киритиш тўғрисида”ги қарори ҳуқуқий экспертизадан ўтказилганда қуйидагилар

АНИҚЛАНДИ:

Тақдим этилган қарор лойиҳаси, Ўзбекистон Республикаси Олий Мажлиси Қонунчилик палатаси ва Сенати Кенгашларининг 2019 йил 14 сентябрдаги “Тўйлар, оилавий тантаналар, маърака ва маросимлар ўтказилишини тартибга солиш тизимини янада такомиллаштириш тўғрисида” №2736-III/КҚ-592-III-сонли қўшма қарори ҳамда Халқ депутатлари Тошкент шаҳар Кенгашининг 2019 йил 27 сентябрдаги “Тўйлар, оилавий тантаналар, маърака ва маросимлар ўтказилишини тартибга солиш тизимини янада такомиллаштириш тўғрисида”ги 489/59-5-сон-сонли қароридан кўрсатилган меъёрларга мувофиқ тайёрланган.

Халқ депутатлари Уchteпа туман Кенгашининг “Тўйлар, оилавий тантаналар, маърака ва маросимлар ўтказилишини тартибга солиш тизимини янада такомиллаштириш тўғрисида”ги қарорига ўзгартириш ва қўшимчалар киритиш тўғрисида”ги қарор лойиҳаси “Норматив ҳуқуқий ҳужжатлар


тўғрисида”ги Қонун, Маҳаллий давлат ҳокимияти органлари томонидан қабул қилинган норматив-ҳуқуқий ҳужжатлар лойиҳаларини тайёрлаш, юридик-техник расмийлаштириш ва ҳуқуқий экспертизадан ўтказиш тартиби тўғрисидаги йўриқномага (рўйхат рақами 2420, 2013 йил 1 февраль) ҳамда бошқа қонун ҳужжатларига зид эмас.

Юқоридагиларга кўра, тақдим этилган қарор лойиҳаси ҳуқуқий экспертизадан ўтказиш натижаси бўйича

ХУЛОСА ҚИЛАМАН

Халқ депутатлари Учтепа туман Кенгашининг “Тўйлар, оилавий тантаналар, маърака ва маросимлар ўтказилишини тартибга солиш тизимини янада такомиллаштириш тўғрисида”ги қарорга ўзгартириш ва қўшимчалар киритиш тўғрисида”ги қарор лойиҳаси қонун ҳужжатлари талабларига мувофиқ ишлаб чиқилганлиги, шунингдек, қонунчилик техникаси қондалари талабларига мувофиқлиги қайд этилсин.

Учтепа туман адлия бўлими
бош маслаҳатчиси



И.Юсупов